

# Powšitkowne WOZJEWJENJA

njedźelu, 8. meje 2016

## TCM wuhotuje mejski nyšpor w Róžeńće

Na našim serbskim hnadownym městnje w Róžeńće sławmy a prošmy mać Božu wo zastupnu próstwu pola jeje syna Jězu Chrysta za naš lud a kraj: zo bychmy dale žiwje wěрили do zrowastanjeného Chrystusa. Do pačerja chcemy tež wšu swětowu cyrkej zapříječ a so wo měr na zemi modlić.

W tutym zmysle přeprašuju w mjenje Towarstwa Cyrila a Metoda z.t. (TCM) wěriwych ze wšitkich wosadow tutu njedźelu, 8. meje, w 17.00 hodź. na wosebity mejski nyšpor do hnadowneje cyrkwe w Róžeńće. Radworscy wosadni jón wobrubja.

*Jurij Špítank, předsyda TCM*

## Zhromadny dzeń za 3. a 4. lětnik

Pod hesłom „Hdyž Swjaty Duch mje napjelni“ přeprašuje dekanatne dušepastyrstwo dźěci 3. a 4. lětnika sobotu, 14. meje, wot 9 do 15 hodź. do Don Boskoweho domu we Worklecach. Zajimcy njech so prošu hač do wutory, 10. meje, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždého wobdźělnika přinošk we wysokosci štyrjoch eurow.

## Z busom na zjězd katolikow

Štóž chce sej na 100. zjězd katolikow Němskeje do Lipska dojěć, ma k tomu z busom dvě móžnosći. Radworske Šmitec wozydłownistwo poskićuje jězbje sobotu, 28. meje, kaž tež njedźelu, 29. meje. Zajimcy měli so pola Šmitec w Radworju přizjewić, telefonowe čisło (03 59 35) 28 60.

## Přindźće do Róžanta!

Lubi młodostni, wutrobnje přeprašujemy was na putnikowanje młodžiny njedźelu, 22. meje, do Róžanta. Boža mša budže w 10.30 hodź. Jej přizamknje so wobjed (1,50 € – całta, kołbaska, napoj, dalši napoj 0,50 €). Zakónčenje budže z hudźbnym nyšporom w 12.30 hodź.

Prosimy was, zo byšće so pěši na puć k Róžeńčanskej maćeri Božej podali. W kotrym času waš procesion woteńdže, so we wašich wosadach wozjewi.

*Wutrobnje strowja farar Gabriš Nawka, Lucija a dekanatny kružk*

## Za putnikowanje do Krupki so přizjewić

Młodostni wot 16 lět su přeprašeni, wot njedźele, 3. julija, do Krupki putnikować. Woni nawróca so pjatk, 8. julija. Přizjewić měli so zajimcy hač do pjatka, 3. junija, w Chróscicach na farje, telefonowe čisło (03 57 96) 80 400. Po tym so přizjewjenja hižo njepřijimuju. Putnicy zetkaja so njedźelu, 5. junija, po nyšporje w Chróscicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 6. julija, w 10 hodź.

## Koparski turněr młodžiny

Na koparski turněr su młodostni ze serbskich wosadow přeprašeni. Tutón wotměje so sobotu, 18. junija, w 14 hodź. na sportnišću w Pěskecach.

## **Ministrantska kopańca**

Na koparski turněr su ministranća ze serbskich wosadow přeprašeni. Tutón wotměje so sobotu, 18. junija, w Pěskecach. Započatk budže w 9.00 hodź. z Božej mšu we wjesnej cyrkwičce.

## **Nalětni koncert Lipy w klóšterskej zahrodže**

Wšitkich zajimcow zbliska a zдалoka přeprašuje chór Lipa na swój lětuši nalětni koncert, kotryž budže njedzelu, 22. meje, w 15.30 hodź. na zahrodže Zežiwjenskeho a zeloweho centruma w klóštrje Marijinej hwězdze w Pančicach-Kukowje. Wot 15.00 hodź. poskića tam kofej a tykanc. Lětsa su sej Lipjenjo chór Bratrowstwa z Kulowa přeprašyli.

## **Wulět samostejacych do Lipska**

Samostejacy ze serbskich wosadow změja wutoru, 14. junija, swój lětuši zhromadny wulět z busom, kotryž powjedže do Lipska. Zajimcy njech so hač do póndzele, 6. junija, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedzelu do wulěta wozjewja.

## **Kolesujo putnikować**

K putniskemu tydženjej na kole přeprašuje Smochčanski Dom biskopa Bena wot 7. do 14. awgusta. Hornja Łužica ma mnohe rozdźělne kolesowarske puće, kotrež chcedza w tych dnjach nazhonić. Po puću su putnicy k rozmołwam, rozpominanju, čitanju a dalšemu přeprašeni. Čary powjedu po holi a hatach, po serbskich wsach, hornjołužiskich horach, podłu Łobja a Nysy. Etapy su wob džen něhdze 40 do 50 kilometrow dołhe. Zajimcy měli so w Smochćicach pod telefonowym čisłom (03 59 35) 2 23 15 přizjewić.